

From: Mohd Amerul Shafiz Bin Hasbullah <amerul@uum.edu.my>
Sent: Thursday, 14 May, 2020 5:31 PM
To: norazlinaabdjalil@gmail.com
Subject: Fw: TITAH UCAPAN KHAS DULI YANG TERAMAT MULIA TUANKU RAJA MUDA KEDAH, TUANKU PRO-CANSELOR I KEPADA PARA ALUMNI UUM BERIKUTAN PANDEMIK COVID-19
Attachments: UUMComm. ed. - Titah Ucapan DTYM Raja Muda Kedah, Pro-Canselor_BM.pdf

Daripada: UUM CORPORATE COMM.

Dihantar: 29 April 2020 12:32

Kepada: UUM - All Staff; UUM - All Students

Sk: Staf - Pesara UUM

Subjek: TITAH UCAPAN KHAS DULI YANG TERAMAT MULIA TUANKU RAJA MUDA KEDAH, TUANKU PRO-CANSELOR I KEPADA PARA ALUMNI UUM BERIKUTAN PANDEMIK COVID-19



UUM Corporate Comm.
Universiti Utara Malaysia

29 APRIL 2020 / 6 RAMADAN 1441H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

UUM ONLINE:



TITAH UCAPAN KHAS
DULI YANG TERAMAT MULIA TUANKU RAJA MUDA KEDAH
TUANKU PRO-CANSELOR I
KEPADA PARA ALUMNI UUM

Bismillahirrahmanirrahim.

Assalamualaikum Warahmatullahi Wabarakatuh dan Salam Sejahtera kepada semua warga alumni UUM.

Alhamdulillah, Saya bersyukur ke hadhrat Allah Subhanahu Wataala, kerana dengan limpah kurnia-Nya jua, maka kita masih dapat terus menjalani kehidupan seharian walaupun dalam keadaan sedang diuji dengan penularan wabak COVID-19 dan Perintah Kawalan Pergerakan (PKP) yang kini sudah memasuki Fasa Keempat.

Wabak penyakit COVID-19 sememangnya telah memberi impak kepada semua lapisan masyarakat di Malaysia. Namun, kegawatan ini juga telah menyerlahkan semangat kasih sayang dan saling membantu di kalangan segenap lapisan masyarakat tanpa mengira agama, bangsa dan budaya, khususnya kepada petugas barisan hadapan (frontliners) yang sedang bertungkus lumus menangani pandemik COVID-19.

Saya percaya pihak universiti juga sedang melakukan usaha terbaik bagi memastikan kampus UUM bebas daripada virus ini dan pada masa yang sama, turut memberi tumpuan menjaga kebajikan ribuan para pelajar yang masih berada di dalam kampus, kakitangan universiti dan juga alumni UUM yang memerlukan bantuan.

Saya amat berbangga kerana UUM menyokong usaha petugas barisan hadapan walaupun terpaksa mengharungi pelbagai kesukaran. Melalui kerjasama banyak pihak yang melibatkan pelajar, kakitangan dan sukarelawan luar, UUM telah berjaya menghasilkan peralatan perlindungan diri (PPE) pakai buang yang terdiri dari jubah (gown), pelindung muka (face shield) dan juga pembersih tangan (hand sanitizer) untuk kegunaan petugas di Hospital Sultanah Bahiyah (HSB), Alor Setar dan Hospital Sultanah Maliha (HSM) di Langkawi.

Peralatan PPE tersebut telah dihasilkan di Pusat Kokurikulum dan di makmal "Food Security, Innovation and Development" (Lab FinDER), UUM oleh sukarelawan UUM. Setakat ini, mereka telah berjaya menghasilkan 1,200 helai dari jumlah keseluruhan 8,000 helai jubah pakai buang menggunakan "Hydrophobic Non-Woven Fabric" yang dibekalkan, 3,000 botol pencuci tangan dan 200 helai penutup muka. Saya dimaklumkan, bagi menghasilkan baki jubah sebanyak 6,800 dalam masa yang singkat, pihak universiti memerlukan sumbangan sebanyak sepuluh (10) buah mesin menjahit bagi memenuhi permintaan tinggi dari petugas barisan hadapan yang menggunakan antara 700-1,000 helai jubah PPE setiap hari.

Pelaburan dalam pembelian mesin jahitan tersebut juga akan dapat menjana banyak limpahan faedah jangka masa panjang bukan sahaja kepada para pelajar Pusat Kokurikulum di universiti, malah kepada golongan B40 dan ibu tunggal di negeri Kedah yang sedang mengikuti beberapa program keusahawanan anjuran UUM seperti kelas menjahit dan sebagainya.

Saya yakin, sokongan dari warga alumni akan menjadikan tugas ini lebih mudah dan dapat mendekatkan UUM di hati masyarakat. Justeru itu, dalam menghadapi cabaran ini, pastinya ada ruang dan peluang untuk para alumni membantu menyokong usaha murni tersebut. UUM sentiasa mengaluakan sumbangan dari para alumni khususnya ke arah usaha menyediakan peralatan PPE dalam masa terdekat kepada petugas barisan hadapan, menjaga kebajikan pelajar dan juga warga alumni UUM yang memerlukan bantuan.

Terima kasih saya ucapkan kepada semua yang telah banyak menyumbang kepada UUM selama ini. Saya juga mendoakan para alumni sentiasa berada di bawah lindungan Allah Subhanahu Wataala jua. Jadikanlah kesabaran dan istiqamah sebagai teman setia dalam mengharungi ujian ini dan semoga Allah Subhanahu Wataala merahmati dan melindungi kita semua, Insya-Allah.

Sekian,
Wabillahi Taufik Walhidayah
Wassalamualaikum Warahmatullahi Wabarakatuh

DULI YANG TERAMAT MULIA
TENGGU SARAFUDIN BADLISHAH IBNI AL AMINUL KARIM SULTAN SALLEHUDDIN
Raja Muda Kedah
Pro-Canselor I
Universiti Utara Malaysia





 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.